

全唐文

竹居被屨

竹居跋尾

全唐文

欽定全唐文卷七百一目錄

李德裕 六

請宣賜鶴林寺僧諡號奏

請罷呈榜奏


諫敬宗搜訪道士疏

停進士宴會題名疏

論喪葬踰制疏

論公主上表狀

李思忠請進軍於保太柵屯集狀



金史卷一百一十一
論譯語人狀

請更發兵山外邀截回鶻狀

殄滅回鶻事宜狀

討襲回鶻事宜狀

論昭義三軍請劉稹勾當軍務狀

李彥佐翼城駐軍事宜狀

請賜澤潞四面節度使狀

幽州鎮魏使狀

請賜劉沔詔狀

請賜回鶻唃廝囉等物詔狀

請賜宏敬詔狀

論彥佐劉沔下諸道各軍狀

論陳許兵馬狀

論河陽事宜狀

第二狀

奉宣王宰欲令直抵磁州得否宜商量奏來狀

請賜仲武詔狀

詩經中九節

本意正字於今直於經以解可直解其意

集注

論衡車宜

論衡車宜

論衡車宜

論衡車宜

論衡車宜

欽定全唐文卷七百一

李德裕

六

請宣賜鶴林寺僧諡號奏

潤州鶴林寺故禪師元素傳牛頭山第五祖智威心法是
徑山大覺之師伏請依釋門例賜諡號大額

請罷呈榜奏

舊例進士未放榜前禮部侍郎遍到宰相私第先呈及第
人名謂之呈榜比聞多有改換頗致流言宰相稍有寄情
有司固無畏忌取士之濫莫不繇斯將務責成在於不撓

欽定四庫全書
卷一百一十一
既無取舍豈必預知臣等商量今年便任有司放榜更不得先呈臣等仍向後便爲定例如有固違御史糾舉

諫敬宗搜訪道士疏

臣聞道之高者莫若廣成元元人之聖者莫若軒黃孔子昔軒黃問廣成子理身之要何以長久廣成子云無視無聽抱神以靜形將自正神將自清無勞子形無搖子精乃可長生慎守其一以處其和故我修身千二百歲矣吾形未嘗衰又云得吾道者上爲皇而下爲王元元語孔子云去子之驕氣與多欲態色與淫志是皆無益于子之身吾

所告子者是已故軒皇發謂天之嘆孔子興猶龍之感前
聖之道不其至乎伏惟文武大聖廣孝皇帝陛下稽元祖
之訓修軒皇之術凝神閒館物色異人將以覲冰雪之姿
屈順風之請恭惟聖感必降真僊若使廣成元元混迹而
至語陛下之道授陛下之言以臣度思無出於此臣所慮
赴召者必怪迂之士苟合之徒使物淖冰以爲小術銜耀
邪僻蔽欺聰明如文成五利無一可驗臣所以三年之內
四奉詔書未嘗以一人塞詔實有所懼臣又聞前代帝王
雖好方士未有服其藥者故漢書稱黃金可成以爲飲食

器則益壽又高宗朝劉道合元宗朝孫甄生皆成黃金二
祖俱不敢服蓋以宗廟社稷之重不可輕易此事炳然具
國史以臣微見倘陛下睿慮精求必致真隱惟問保和
之術不求藥餌之功縱使必成黃金止可充於玩好則九
廟靈鑒必當慰悅寰海兆庶誰不歡心臣思罄愚衷以裨
元化輒陳懇款伏積兢惶

停進士宴會題名疏

奉宣旨不欲令及第進士呼有司爲座主趨附其門兼題
名局席等條疏進來者伏以國家設文學之科求貞正之

士所宜行敦風俗義本君親然後升於朝廷必爲國器豈可懷賞拔之私惠忘教化之根源自謂門生遂成膠固所以時風寢薄臣節何施樹黨背公靡不由此臣等商量今日已後進士及第任一度參見有司向後不得聚集參謁及於有司宅置宴其曲江大會朝官及題名局席並望勒停緣初獲美名實皆少雋所遇春節難阻良遊三五人自爲宴樂並無所禁唯不得聚集同年進士廣爲宴會仍委御史臺察訪聞奏謹具如前

論喪葬踰制疏

應百姓厚葬及於道途盛陳祭奠兼設音樂等閭里編毗
罕知教化生無孝養可紀沒以厚葬相矜器仗僭差祭奠
奢靡仍以音樂榮其送終或結社相資或息利自辦生產
儲蓄爲之皆空習以爲常不敢自廢人戶貧破抑此之由
今百姓等喪葬祭奠並請不許以金銀錦繡爲飾其陳設
樂音者及葬物稍涉僭越者並勒毀除結社之類任充死
亡喪服糧食等用使如有人犯者並準法律科罪其官吏
已上不能糾察請加懲責仍請委出使郎官御史察訪臺
司伏請令文及故實不載者令更條檢校官令文不載令

請檢校官一品二品請同五品五品已下並請同九品如
有曾任正官依本官品第儀則其准勅試官亦全九品儀
如升朝官者請據本官品第升降闕例凡喪皆有品第恐
或無知之人妄稱官秩自今以後除升朝官見任官亡歿
外餘官去事前五日須除將告語或勅牒於本巡使呈過
判押文狀行人方可供應佐命殊功當朝立功名傳遐邇
特勅優旨准會典例本品數十分加三分不得別爲華飾
右具本朝舊本例如前今後令兩巡使祇據官秩品級與
判狀其餘一物已上不得增加兼勒驅使官與金吾司并

門司同力轄鈴如有大段踰越卽請據罪科斷行人兼不得追領喪葬之家別有勘責奉勅如過制度不許尺寸事數其假貨行人徒二年喪葬之家卽不問罪仍付所司

論公主上表狀

右臣等伏見公主上表稱妾李者伏以臣妾之義取其賤稱家人之稱卽宜區別因循舊章恐未爲得臣等商量今日以後公主上表從大長公主以下並望令稱某邑公主第幾女上表仍不令稱妾所冀臣子之道因此正名郡主縣主亦望准此未審可否

李思忠請進軍於保太柵屯集狀

右伏以今年八月制置待諸道進軍移營逼可汗衙帳卽
李思忠領衍蕃騎深入覆其巢穴續緣劉沔張仲武確稱
冬寒進軍未得請待正初今已及期望詔劉沔張仲武一
時進軍以壯思忠兵馬恐不闕令往中受降城令在保太
柵屯集稍爲穩便望付翰林賜思忠遂奉詔處分其劉沔
張仲武詔意謹同封進

論譯語人狀

右緣石佛慶等皆是回鶻種類必與本國有情紇圪斯專

使到京後恐語有不便於回鶻者不爲翻譯兼潛將言語
輒報在京回鶻望賜劉沔忠順詔各擇解譯蕃語人不是
與回鶻親族者令乘遞赴京冀得互相參驗免有欺蔽未
審可否

請更發兵山外邀截回鶻狀

右緣回鶻旣已討除須令殄滅今可汗窮蹙正可梟擒苗
一透入黑車子部落必恐延引歲月勞師費財望速詔忠
順令進軍於山外黑車子去路邀截恐振武軍馬數少其
李思忠下沙陀五百騎易定軍馬一千騎便令何清朝押

領同去如至陰山北蕃知回鶻猶在舊處便令從北進軍
取背則前後受敵必無所逃未審可否

殄滅回鶻事宜狀

右臣等商量回鶻衰殘取之在速一切須令三月已前事
了陛下若欲早見功效須激勸人心自古用兵皆懸賞格
以此誓衆人必輕生今因景度等往幽州太原振武望三
道各賜勅書如兵馬使已下大將取得可汗便授金吾小
將軍及大郡刺史賞錢一萬貫如取得宰相便授兼御史
大夫賞錢五千貫若是小將軍長行取得白身授兼御史